

2 Κορίνθια

Ἀποκρυφ

Magara 1

¹Dóná'η janí: Pául alá Jáásodunjo Yasúa'η kurême–ii kí Wúo'η âre–ii, na dáin̄ bára Timos, Wúo'η kwa alá korinsa k̄aη yeeηa sís dóná'η janí áddeη káwe kí Wúo'η kwa taḡiηa arrá nyét kila alá Akaya'η akúro nyét–le k̄aη. ²Kailán̄ Wúo dáin̄ bâ na Lonpii Yasúa Jáásodunjo tullin̄ na aapiη kaníya. ³Kilmá lúllá jâ nyéttin̄ Wúo kalán̄ mujjé Wúo dáin̄ Lonpii Yasúa Jáásodunjo'η bâ–lé jee urma'η bâ Wúo alá kilmá jâ nyétt'ín̄ k̄aηiηa–ii. ⁴Wúo ótán̄á tárrán̄a nyét–le ḡi kilmá lúllá pii, álán̄ lián̄ kí taga kila kwa–sí kilmá lullá kâ asá útán̄á tárrán̄a'η órré nyét k̄aη, kí ila kilmá'η lúllá jâ asá kí dog káin̄ korola Wúo–lé koomíti. ⁵Iláin̄ ná alá Jáásodunjo'η miineηa soηηá dáin̄ eré teljek pii, na naa dáin̄ kilmá'η lúllá jâ soηηá kí Jáásodunjo'η dorá dáin̄ erés teljek pii. ⁶Abás kí kí tárrán̄a'η–si dio kandel bá kien̄ kilmaηa'η jâ na jopón̄ó'η uún̄–ii nás kandel. Na abái k̄iηa kilmaηa lúllá in̄i, bá iláin̄–ii áilán̄ biηa dog kilmaηa lúllá in̄i. ⁷Ila kilmá'η lúllá jâ asá bí baiη ila dio alá bí kila miineηa–sí kí jirímó birmel, kila miineηa tágá aisa k̄iηa íri beteli–ii, Na dáin̄ jáigo díeη ere k̄akkíré–ii iláin̄ nás kí kaluη, iláin̄ inná asá bí káin̄ miineηa–lé sárigen̄ bindeliη. naa bí dog bás dáin̄ kilmá'η lúllá jâ–lé sárigen̄ bidel. ⁸Bárηa kí á k̄oilba áisán̄ biηa kin̄ útdón̄á tárrán̄a'η uun̄a–sí kom kom kâ aisa k̄iηa Ásiya'η akúro–lé in̄i. K̄iηa–sí soηηá gis jígíe ila–lé soηηá álán̄ kí taga kirímó ná gis lóó id–lé paagul nás jáigo ás k̄aηba álán̄ duó sállâ–ii. ⁹Kí see'η see kí bás in̄ k̄aηma niná aisa kí wáyí kándé. Marran̄ in̄ id̄in̄ eηa ásán̄ kí káin̄ suúr̄n̄á'η íri puttó á kindelba marran̄ ásán̄ Wúo'η íri puttó kindel, asá Waytólá–sí sállá pii. ¹⁰Wúo k̄iηa–sí wayí'η arríe appû–lé gis joppo, na yé áisán̄bá joppel. Kí dáin̄ jáigo d̄elé k̄á áisán̄ joppel. ¹¹Bí dog aw̄ náis k̄iηa–sí kí júmaηa bán̄yín̄ti. ásán̄ dáin̄ sabba'η ere kwa soηηá Wúo–sí assó assó káwa ila dol tullé'η uún̄ aila k̄iηa kaníe inná kaw soηηá'η júmaηa'η jawí. ¹²Pául'ín̄ simara'η j̄aηj̄o: Iláin̄ ná dáin̄ don̄gór̄e jeeη inni: Káin̄ kilmaηa'η tiyyin̄ jibítíyas ása kí in̄ daldí'η dió amal ser na surma tiyyâ kaiη, aila Wúo ín̄i kí in̄ daldin̄'ín̄ riη aiba, marran̄ kí Wúo'η tullin̄i. ¹³Na gal dáin̄ jirgín̄ó asá kí biηan̄ kir ḡin̄, iláin̄ ná kí biηa–sí báis déllin̄ ar̄i id rímmen̄ kaw álán̄ bí taga árden̄ bâ na dééη arrá barán̄ ¹⁴Marran̄ annan̄ bí dééη arrá ar̄i bar̄in̄él, ká ay gelsi álán̄ bí in̄ been̄ álán̄ dáin̄ arrá asi tóg barán̄, ásán̄ dáin̄ Lonpii Yasúa'η soog'ín̄ dió tag dáin̄ uún̄ don̄gór̄e been̄, inná asá kí díeη uún̄ don̄gór̄e kindel. ¹⁵Id̄in̄ nás ká in̄ n̄in̄ íri puttó aán̄á, naman̄ simara aldo álán̄ díeη jagil'ín̄ oo, ásán̄ bí dúilé jagila aw'ín̄ bora pattá jâ baiη. ¹⁶Ká w̄eliηi áilán̄ biηa aḡil ál̄ ani ásán̄ ándo ná Masadônia oo, na lia ál̄ Masdônia ȳo námá díle áiηa, námá gis bán̄yín̄i nás dúin̄ joo zarlag áa ná Yûdiya oo. ¹⁷Ká dúin̄ sa járri tetebe ay–ii ηeliη–ii? asá in̄ uu–sí árri álán̄ â, wala ká la kúin̄ járriηa–sí kí daldí'η kw̄e'η kattíeηa'η sebeηa jittin̄a'η dorá aw iláin̄ ná ká tin̄ tog'ín̄ dió "ee, ee" na "lôlo, lôlo" ámiη? ¹⁸Marran̄ inná alá kí see'η see Wúo see j̄ây'ín̄–ii, dáin̄ domoη díel̄é "Ee" na "lôlo'η" gila ás keba. ¹⁹Iláin̄ ná ká na Silpanos, na Timos Wúo'η kw̄e dee Yasúa Jáásodunjo biηa–sí gis díeη tâs–lé gis káwli na yé "Ee" na "Lôlo" á k̄eηaba. Marran̄ d̄elé dáin̄ domoη k̄érrég bá Ee–ii. ²⁰Iláin̄ ná kila jasiηa nyét alá Wúo jasa yeeη jáásodunjo–lé "Eeηa gé". namá iláin̄i ná kí dééη dorá–ii asá kí dáin̄ Ee, yáa Wúo–sí galaηa'η kámiη. ²¹Naa namá Wúo–ii aila k̄iηa–sí na biηa–sí júndi, nás jáásodunjo–sí putt'p béér̄él, Wúo dog duó iddi aila k̄iηa jáán̄ó, ²²Alá dééη uluggin̄'ín̄ ósom dáin̄ íri jáá, na yé kuo tiyyán̄a–sí káin̄ kilmaηa–lé jáá álán̄ ar̄i bi ar̄i'η damânni ila aisa yé k̄iηa jasa. ²³Na ká kúdúin̄ jaiη Wúo–sí awrítí na yee ñ̄lel áisán̄ nún̄i dun̄o eeη sibbe alá ká dééη uún̄'η Korinse á ȳoba bá ila k̄eηá áisán̄ ká biηa

dúinj júpúrí ila tokkêllan—lé oppó. ²⁴Kí uu id á kawba álán—sí díen see jâi—sí sagala keen. marran bá kí biñan díen kilmá'ñ simmiñ'íñ táári kaw, idñin ná bí kí see jây—ii ná bíputtó béérel.

Magara 2

¹Iláinj nás ká in—sí kúdúinj dorol árrí—ii álán asi keer díelé kí kilmá'ñ sonдорog á ooba iláinj ná abá—ii ká biña kilmaña sonдорog aw. ²kiyé nás sây áilán kaa kilmá simmó piá. bá déllinj duó ila—ii alá ká kilmá sonдорog â? ³Namáis biña ila domoñ tág—sí rímmen â lia abá ká éla ásán kilmá sonдорog á aña, kila kwa—lé alá in lónj áilán kilmá simmó káwal. iláinj nás ká in íbé abá—ii kaa kilmá simmó—ii biña—sí dog bí nyét kilmaña simmó ge. ⁴biña—sí gis kí kojoja soññâ nakí kilmá'ñ geleg geleg na kí kola soññâ rímmen â, ká á wêliba áilán biña kilmaña sonдорog â, marran áilán undí nás joiñí soññâ baluñ ila asá ká díen eré aij. ⁵Kattienja ðuño—sí áápenj jâ: Abás duó díg kilmá'ñ sunduriginj éla yé ka—sí déllinj áiba náí kilmá sonдорog piá. ⁶marran kí dorá díig yé biña kwa nyét gí kilmaña sonдорog piá, ká in belé—sí illáinj á miñ idñin ná ká á wêlba álán ila duó'ñ ere indálanj tokké een. ⁷Duó in nii niñ—sí ãl bí kwa soññâ jáisenj baw soññâ—ii. Na kí in niñ eré bí máánj bá in lóónj álán yee—sí áápenj bâ ná kilmá lúllá bâ. ⁸In máánj níñ yee jasi álán kí kilmá'ñ sunduriginj saa soññâ á ítábíñba. ⁹Álán lóo id—lé páágó nás asi tóg tááyenj een. ¹⁰Na naa ká biña gí igíti ásán in báwli ása bí bañj ná yee—sí bôil in namá ila sibbe kéénj áisa ká biña ila domoñ tággín—sí rímmenj áa, iláinj ná ká wêel ásán aluñ bí ila jarri—lé ay—sí tullé bándó na ká wêiliñj ásán ummóñ bí útónjale bagi kwa ban. duó id ná bí áápenj baw ká dog bá áápenj aw. kí see'ñ see abás ká yee ari díg áápenj â bás Jáásodunjo'ñ tabu'ñ díen uu'ñ áápenj â. ¹¹Áilán kiña âred appâ júúlenj á piyába. iláinj ná kí kéénj járiñ jittinja'ñ ere éllénj á kanba. ¹²Jáásodunjo'ñ kôs'íñ jêl: Ila dio ãl ká Toros yío ásán á kwa—síJáásodunjo'ñ belé tullé áwli. Annanj dog gís Lonñii ka—sí túsú paalí. ¹³ká bás aínj ná dúinj tabu'ñ umel á awíba, idñin ná ká dúinj dóra Táitos—sí Tarus á ummóba, in nálan namás kwa—sí dóñá olo namá Masdôniya yío. ¹⁴Marran assó assó Wúo—lé piñíti Yé kiña—sí Jáásodunjo'ñ kôs'íñ jêl'íñ dáldá—le báis in argíti inná oppá dellema. Na yé bá—ii kiña—sí júndi nás yee—sí táári kaw álán Jáásodunjo'ñ jíwi—sí kundí ná lóo bi lóole nyáálíñj in ná murrinj ãl simmó mañ. ¹⁵Idñin ná kí Wúo—sí kila kwa'ñ dió asá kopoliñj—ii na kila kwa'ñ dió alá kawsínj in kalñiti in ná Jáásodunjo'ñ murrinj simmó. ¹⁶Idñin ná kila kwa—lé alá kawsínj, bá mañ maññá lítti alá kwa—sí iriw. marran kila kwa—lé asá kopoliñj gal, bá murrinj simmó—ii asá jaiñ úndul. Ki—ii ná nii kiirél álán in táári—sí taga piá. ¹⁷In ná alá kí kwa soññâ—lé kergel kanj kí Wúo'ñ belé—sí nisil'íñ uuñ julu'ñ á kawítiba. In niñ konsa kí ãl Jáásodunjo—lé kanj Wúo'ñ tabu'ñ kí kilmá'ñ seer kírsin in ná kila kwa ãl Wúo áddenj piá.

Magara 3

¹Saarta diwó Wúo'ñ táári kwã: Kí kuñel sá ná káinj suúrñâ asi keer wásseñ kaw? Kí in lá kaluñ in ná kwa kernj ãl kôili áisán biña—sí wasi'ñ domoña kêlwala kila ãl kiileli. ²Álán bí kienj wasinj domoña kilailinj rímmenj bâ, kí kí see'ñ see á kôilba bí kí kienj dorola dáinj wasi'ñ domoñ ban ná káinj kilmaña—lé rímmenj enj , nás duó bi duó'ñ ere iwíñj na árdenj indel. ³In si báwli bí ãl domoñ ban ila ãl Jáásodunjo—lé éla ila ãl dáinj Wúo'ñ táári'ñ taa—ii, in domoñ kí dawái rímmenj á enj ba marran kí Wúo sállá'ñ kuo—ii ná rímmenj enj. Ná kítónj'ñ sárile áiba ná rímmenj enj, marran kuldiñja'ñ sárínj—le—ii ná rímmenj enj. ⁴Kí kí Jáásodunjo'ñ Wúo'ñ eré puttó jeen in nii niñ kainj. ⁵Dái—lé ari tóddogá keba náis in tñnel álán in kwa ála kaarino. álán ari bi ari—sídáinj dítin'íñ kaw, dáinj jaarínj Wúo—lé úndul. ⁶Wúo—ii náí kiña paaro alá saarta diwó'ñ táári kwã keen. Saarta

diwó asá Músa'η dáálí alá rímmen ɛɲa-lé ás tiélba marran kuo tiyyáɲa-lés tiél. Iláin dáálí ál rímmen ɛɲa wáy-si úndul, marran kuo tiyyáɲa jain inniya. ⁷Naa abá ila saarta toy'ín Wúo'η táári-ii ná wayí éla ila alá kééɲ seebáaɲa kítoná'η sáári'η írí kégérgérol alá kí galaɲa êl álán Israíilíná Músa'η waji-sí púttòndin á kagílalba. kééɲ galaɲa kiláin uú'η alá dúítienj-ii álán wari inj. ⁸Kuo tiyyáɲa'η Wúo'η táári galaɲân níin níɲ saa soɲɲâ-ii. ⁹Abá Wúo'η táári ila asá janí írí jabí éla galaɲân kééɲá, Wúo'η táári galaɲân níin níɲ saa soɲɲâ-ii ila asá wariɲin úndul. ¹⁰Kí seé'η see ari ila alá galaɲân kééɲá na naa galaɲa ás keba, arrá já-lé kí kila galaɲa alá kééɲ galaɲa-sí jeelel-ii. ¹¹Iláin ari ál wari índelíní kí galaɲa êl, ari id lúud kuɲo galaɲa appáɲa níin síɲ soɲɲá kee. ¹²Ídîɲ nás jáigo inii níɲ kan útóná-sí bá wariɲ téréb kâ. ¹³Kí in ákaluɲba inná Músa asá suuri kí waji kí waji'η jûmmín juri júmo álán Israíilíná tag ila ari'η jágínj-sí á kagílalba ál wari indel. ¹⁴Marran kíen tabuɲa púttó inj. Iláin ná naman in soog tág-le ál yeen saarta toy-sí árden kawe ila waji'η jûmmín juri tág bás káin ná kee. In waji'η jûmmín juri-sí á kápulbaa bá déllin taga kí Jáásoduɲo'η see jáy'ín dorá kápul. ¹⁵Naman ettê tin bi tin ná yeen Músa'η dáálí-sí árden kawe, waji'η jûm'ín juri bás káin nás kíen kilmaɲa júmel. ¹⁶Marran abá duó Loɲpii-sí see tiél, waji'η jûmmín juri-sí bá kapeli. ¹⁷Loɲpii kuo-ii na lóo bi lóo-le ná Loɲpiín kuo káin ide bá baj kee. ¹⁸Na kí kwa nyét alá káin waiɲa paalan-gé, nás Loɲpiín galaɲ-sís dán giseɲ kaw. Kíɲa Loɲpiín jaluj ila tág-le ís káineli, nás ila galaɲa'η ilol díg-le gís kawnyítíya náis keer-lé kannía, Kila galaɲa alá Loɲpii-lé úndula, ála kuo'η gé.

Magara 4

¹See'η jain ásán belé tullê-sí jáwli: Na naa kí Wúo'η táári in síis káin, kila urma'η uúɲ aisa Wúo kíɲa páátí kíɲa kurro ajjúɲalba. ²Marran kí namá táariná asá ôraɲa káin na as jûúliná-sí kaariní kí kí júúlen já táári á kawba, walá Wúo'η belé-sí ás kurrelba. Marran kí see'η guud'ín jáwli palan, namá yé-ii ásán kíen kilmaɲa-lé in kalɲa kí Wúo'η tabu'η kaa kwa kan. ³Na annan-sí dáin belé tullê júmín, yé bás kila kwa-sí júmín ál kawsíná. ⁴Árid appâ see jáyí wari kwâ-sí tabuɲa-lé kuuruɲa piá. Álán yeen belé tullê'η ton tiyyâ-sí á kagílalba ila alá Jáásoduɲo'η galaɲa saar, Jáásoduɲo ila ál Wúo'η jaluj-ii. ⁵Ídîɲ ná káin suúrɲá'η áiba asá káwlíti, marran kí Yasúa Jáásoduɲo-sí in-si káwlíti ál kwanyét ál kwa nétin Loɲpii, Na kí káin suúrɲá ál Yasúa'η uú'η táári kwâ kan. ⁶Iláin ná Wúo ál in kwâ, "Áw nás lóo tiyyâ lóo dikko-sí errin." Bá ila Wúo tág gi alá júndi ná déen lóo tiyyâ káin kilmaɲa'η dió lóo errinél áisán kíɲa-sí Wúo'η galaɲa'η jíwi éla kila galaɲa asá Yasúa jáásoduɲo-lé sáariná. ⁷Marran kís in gubul-sís káin suúrɲá-les káin kí ál in kaluj in ná daalú'η belgéná ásán in kúlɲi kurro soɲɲâ ál Wúo'η ge ná dáí-lé á geba ná úndula. ⁸Kíɲa-sí útóná tárrála kí korɲa nyét gis írí beteli-ii marran dog á kániniba. ⁹Kíɲa tabuɲa gí keere marran jáigo á kíitiba; Namá táltílen kindel marran báás áis kaweba, Namá gi kabítia marran dog á kawsínba. ¹⁰Kí kérrég káin suúrɲá-le Yasúa'η wáyí-sí kábun, álán Yasúa'η jain káin suúrɲá-le lóóná-la. ¹¹Iláin ná kí ál sállála kan báí kérrg Yasúa'η uú'η wayí dóɲa kawrítia, álán déen jain káin suúrɲá wayitólale lóónóla. ¹²Yé kee ná táári pii marran jain díen dió kee ná táári pii. ¹³Wúo'η domboreɲa toya'η dió in rímmen ɛɲa, "Ká see eyá namá iláin ná írsínó." Na naa ná kí kila see jái'η kuo tágá-sí káin, kí dog see kéél, na kí dog kírsin, ¹⁴Ídîɲ nás kí kaluj duó asá Loɲpii Yasúa-sí sállá piá áisán kíɲa-sí dog kí Yasúa'η dorá sállá piá námáís kí biɲa arrá déen tabu'η êil. ¹⁵Kin útóná nyét bá díen uú'η-ii, álán ila tullin asá kwa soɲɲâ-lé nyíinti-ii, mat Wúo júndi nás assó já nyíiní na Wúo namás galaɲa soɲɲâ bóyé. ¹⁶Kí see jái jain: Na naa kíɲa kurro agí júɲalbaa. Annan do dáin suur paal kuɲo dúiti ásán agíní, dáin suur dió kuo-sí dog bán sog bi sog diwwô kawe. ¹⁷Iláin ná káin útón tárráɲa ittâ kí tin ití'η galaɲa lúud-lé gis úndula, galaɲa luuta útáná tárráɲa-lé saa soɲɲé. ¹⁸Ídîɲ ná kí dáin bál kila ótáná-le á kawrítiba alá taga lónítia, marran

kila ótáná—le kawríti alá á lónjítyaba. ótáná kila alá lónjítiá bás déllin tin ittí ɸɸje, marran ótá alá taga á lónjítiaba bân káin naman níj káin.

Magara 5

¹eláin nas kí kalum ila dío al dáin suur alá in lón ná díbdíb ila al kí íne suuruɸ írí dééɸ díó káin passinó dáin díó duó bi duó básin jawilín suur kee álan jainín toɸ ii ila ayla wúo ín in toɸ sí kí duldín kwéɸ dóná á kutumulba naɸ toɸ luut ii al jawíl kee. ²Na naa in díbdíb lé kí namás kétélin ná dáin jawilín toɸ sí massá tawre kaan aysan kí ye in kúmal niná juriɸa. ³Kí seeɸ see kí koel álan in jawilín toɸ sí in kiní niná juriɸa álan in á keeɸ ba niná duó al pogo ii. ⁴Na adid alá kí in díbdíbín díó káin, kí bas kétélin na katábín na. idín ayba ála kí koel álan dáin suurin díbdíb sí túga kawí, marran idín ii ná jawilín toɸ sí koel aysan kí ye kumal álan lian ari al waytóli kí jainín dorá linínó. ⁵wúo kí dééɸ doroli ná kina sí in jainínóle ásiléɸ piá na yé kina kuu tiyáɸa gí ín álan damána gé kila útána nyét le aysa kina gúbul jáá. ⁶Na naa kí asá kééréɸ kuro písin kaan kí kalum si adid alá suurin díó káin kí áal lonpin kara káin. ⁷Elain ná kí see jáin dorá káin ná kí ila dorá á káinba alá kí kalu. ⁸Kí kuru písin si káin na koel álan suurin kara keeɸ ná kí lonpin kón ⁹Naa in ɸɸ sí dáin áare kâ, álan lonpi sí kilmá simmó kâ anan suurin díó káin wala gal dééɸ kara káin. ¹⁰Elain ná kí ban nyét jáaso duón jalsan kutín tabún kalɸola ná ye kundí ná ii jalsá jaa dáin díó duó bi duó álan kééɸ kuu tésin kawía indálan ari idín al ye ila dío piá alá suurin díó kééɸa anan tullé kééɸa wala jiti kééɸa ná piá. ¹¹idín nás kí kalum dééɸ arrá ka ii álan lonpi sí baɸi já na kali já namá ɸɸ it kaw ásan kwa kerná sí kibé wúo assi tóg si lom kí kien kaan na ká aygel si kien kilmanán tiyín aysan kina sí lonja. ¹²Kí assi kee ɸɸ it á kawba álan káin surɸá sí díeɸ eré wásseɸ kâ marran bina gí paraga ani ásan bí dáinín dongéré beɸ álan bí taga nii beɸ álan kila kwa sí bawí asá kí suurin jalum paal kuɸo dongóré kindeli nás kí ari it dongóre ás kindeli ba al kilmá kee. ¹³Abá gis kina tabuna urunul niná alá kwa dí káminá ila ɸɸ bá idín ásan wúo sí galaɸa él na abá káin tabuna díeɸ lóo gé bá díel nisili. ¹⁴Elain ná jáaso duón joní kina tiél eláin nás kí in kibíní al duó tog kwa nyétin ɸɸ way naa kwa nyét bá kúsin. ¹⁵Yé kwa nyétin ɸɸ way, álan kila kwa alá sálána gé aw na nás kien surɸá sí sálána á geba, marran ásan ye sí sálána gé al díeɸ ɸɸ way na sálás káwe. ¹⁶Naa mín íne lé tabún kí duó tog dog sí kí duldán kwéɸ tawra á kérélba, anan dog kí asi díg jáaso duɸo kí duldín kwéɸ tawra kánda kí naa ila sí á kawba. ¹⁷Naa abá duó jáaso duón ii yé bá jetéré díwó ii ila jain toy kuɸo betos naa kí seeɸ see jain díwó ii nás tuɸa ¹⁸In ɸɸ nyét wúo lé ii. wúo aysa kí jáaso duón dorá kina sí dééɸ suur lé súúleɸ piá ná ii súúleɸ jáán wúon tááriná. ¹⁹In namá dééɸ arrá in lón jáaso duɸo lé wúo ása daldínin kwa sí dééɸ suur lé kééɸa nás súúleɸ píjé, ná yeɸa sí kien katínan á jíleliba. Yé namá ii kina súúleɸ jeenín domon dóna já. ²⁰Na naa kí jáaso duón polgónyá kaan eláin ná wúo ii náis bina kí dáin dorá dagá dagá pii kí bina sí jáaso duón daldán kígíti náis in kámin aw nas kí wúon súúleɸ beɸ!" ²¹Wúo ila duó sí jundí asá katína as kééɸaba ná dáin ɸɸ katína duɸo eeɸ álan kí dééɸ dorá kí wúon kúní lé warriga keeɸ

Magara 6

¹Kí kí wúo arrá táári kaw na kí dog gí bina kígíti ása wúon tullin bomé álan á bundíba ná jiti. ²idín ná yé in beleɸ ila tin traas lé ká ji kelgis áme na kí jopónan sog ká gis ányín bagíl na in tin traas si bagíl na jopónan sog ii ila namá yé ii alá yé kwá. ³Kí duó tog dog sí taar dorá as kawritiba álan dáin wúon táári le koron as búllínba. ⁴Náman ari bi ari ná kaw bas in kawlíti ál

wúon táári kwă kaan kí girmó útóná tááráná na tááriná tokéja na júúrá sí kirmel. ⁵Kiña sí kaldíe gí nan gí tómná kaye nan gí wayénán dió awren káwe kí táári tokkê kâ nan kí luul soga á kunjiba nan namiye á káaba, ⁶Kí káin surná sí kibíti alá wúon táári kwă kaan kí dáin serejin dorá na jíwi na jermó na dóján wasin na kuu teyána alá dáin dió kain. ⁷Na joní ser na uun seej belé na wúon kuru kí warigin bariña sí kí dóña sùru táaris kaw ásan gíren kindel na kí dóña guro nas darága kaw kiña bagi gí kawe ⁸Kiña sí bagi gí kawe na bagi á ii kawe ba, kéndelegí nan gís assô assô á kaweba. kiña tolomaña gí keseli marran kí uun see ii ná kirsin. ⁹Kiña sí in gí keseli aysa kwa á kaljaba marran kwa lé dáin iriri kúrel kiña sí in gí keseli âl kila kwa kaan al kuseli marran bagi kí máán bá sálána kaan kiña sí bá ii kalde marran áy kirweba. ¹⁰Nan gí kiña kilmaña sonderog gé mámán bá ii kéérég kilmaña simmó ge. anan si pagariña kaniti kí máán bá kwa soná si kawája kaw kí bas in kaljiti niná asá ari tóg dog as kainba marran máán si ari bi ari kain. ¹¹Kí biña sí téerin gis kirsinó kí biña sí kain kilmaña gís wassé kawli. ¹²Dáin joní dien ére gansár as keeba marran bí dien joní sí dáin ere gansár bawriti na ká biña in gís írsin in ná kúin dogólá. ¹³Na in ná guldúnó ser kien gís kilmaña wassé bawli aysan kiña sí dog ila joní tag bulji. ¹⁴Kí see jây warri kwan as birginóba. ka jirginó ii ná warriginin táas kí kuriginin ke? wala ka anparin nás lóó tiyâ kí lóó dikkô kain? ¹⁵Na kaa sarta ii nás jáaso duño kí Beliar kain? wala gal kaa ari ii asá see jây duño kí see jây warri duño sadíga gé? ¹⁶Na kaa sarta ii asá wúon ton tiyâ kí kunúsan kain? idíin ná kí wúo sálan ton tiyâ aan, niná âlbá wúo kwâ: "ká ban dien táas lé ón nan nin dien táas lé íin. Na ká dien nin wúo een na yeen gal ná kúin kwa kin." ¹⁷Na naa lonpi in belén kila kwan táas lé buró, nas kien surná sí kerker bâ, "na ari rúbâ sí a búraba lia ká námis in. ¹⁸Na ká dien báa nin een, na bí námá kúin dogólá keya na kani been, "Lonpii kakiré ii ná in belé sí belén.

Magara 7

¹Na naa kúin kondóná naa nas kin jasiga sí kain aw ná surná tiyá káa ari bi ari lé al suur na kuy sí rúbbá pii na aw ná tiyeen komolmolín ere táári káa ná kí wúon kali já kain. ²Kien kilmaña gís wisé baw li! aysan kiña joní soná bawli kí duó tóg dog sí koron as káaba wala duó tog dog sí awren á kába wala duó tóg dogin iri dorá á karánaba. ³Ká in sí idíin ámin ba aylan biña jani iri abí eláin nais ká biña waar waa bí al káin kilmañan dió bain nás áariña kaan álan kí biñan arrá kúsún na arrá kain. ⁴Ká dien iri nis puttó aan aysan taga biña warrig téreb írsinó ká dien uun kéréb si dongéré indel na kí kilman lúlá já pis indel na kí kilman simin káin miniña nyétin nin tulle teljek aw. ⁵Lia asá mecedónia katana káin sürná umel á jáwíba kiña sí sabbaña nyét le útána tárana iri bitul nan kí kwa kerná gulda kâ ná káin kilmaña lé kalis káan. ⁶Marran wúo al kwa kila sí kilmaña lúlá pii al kuro júne kiña sí kí Titus sin jél gí kilmaña lúllá piá. ⁷Kiña déllin déen jélin ayba ná ii kilmaña lúllá in marran kiña sí dog gí kilmaña lullá in eláin al bí ye sí kilmá lullá báa idíin nas ye kiña sí in kwâ aysa biña sí duinin tarin nan dog gís kiña dien sundurugin soná na sut jarinin esken kwâ asá dúin ére bain naa ka kilmá simmó ela lé gi saa soná ena ná ii tóoríg áy enaba. ⁸Annan dog gí ká biña kí dúin domon toy kuño undí ná ii kilmaña sonderog in ká déenin oppo ámin, ba annan dog kí see dienin oppo waa marran bá délin kí tin ití díg áan al agila ná ii dúin domon kilmaña sonderog piá naa. ⁹Ka sí kilmá ii simmó ii ná idíin ayba ayla biña kilmaña sonderog in marran idíin ii ná ii dien kilman sundirig jundí ná túubeñ beña eláin ná kí wúon áaren dorá ii ná ii biña kilmaña sonderog káwe na naa bí kí dáin dorá tog dog awren á beñaba eláin ná kilmañan sundurigin. ¹⁰Kí wúon dorá áaren jeen si undul túubeñ jeen ela aysa jópó lé undul al oppo á káminba maaran daldin kilmán sundirigin way si undul ¹¹Bagil in kilman sundurigin al kí wúon áaren dorá ii biña ka gís él nás kuron jain inilin él nan si zindiye inilin el ásan bí kien sürna sí darága baw nan si kilman tukkin warig inilin él nan si kali inilin él nan si

taariŋ iniliŋ soŋá éł naŋ si sut jariŋ iniliŋ esky iniliŋ soŋá éł naŋ si ásilen jeŋ iniliŋ soŋá éł álaŋ koronja sí jaysen baw bí kien surŋá si útáŋa nyét in baw le al kuldiŋa patáŋa baŋ ¹²Na anaŋ gís ila domon rímeŋ â ila duon uun ayba al koron pia walá ila duon uun ayba asá koron káwe marraŋ bá eláin ii aysaŋ biŋa díeŋ áare tullé si dáin uun wuon tabuŋ tawrá awí. ¹³Na inin uun kina sí kilmaŋa gí lullá inŋi ná dáin kilmán lullinŋin páál kí dog kaiŋ si ná ii Titus sŋ kilmaŋ siminŋin íri kilmaŋa simminŋin kilmaŋa ila lé soŋá simmó indeli idíin ná déeŋ kilmaŋ siminŋ kí díeŋ dorá kwa nyét kuru éronéli. ¹⁴Eláin ná abas ká yé díeŋ uun dongóré eŋa kila útónaŋ ayla biŋa puttó tieli ká kí díeŋ dorá óraŋa lé awiba marraŋ ari bi ari aysa kí biŋa sí kwa bá see kéeŋá na dáin dongórogeŋ asá kí díeŋin Titus sí kindel jíbítis dog âł see ii. ¹⁵Na naa déeŋ joní díeŋ ere soŋá kakíré indel abas díeŋ bagi kwa nyéin lóónála asá bí ye kí kałi na kí jítónála bitíré. ¹⁶Ka kilmági simmó ii eláin nas ká díelé pottó jeŋ komolmol aaŋ.

Magara 8

¹Naa káin barŋa kí koel ásaŋ bí tullinŋin ere ela ari balom alá wúo massíg kwá sí iní alá macedonia akúro lé kaiŋ. ²Yeeŋa sí kí útáná tokkéŋa káaré marraŋ díeŋ kilmaŋ simminŋ soŋá ii naŋ dog pagariŋa gé maraŋ kien ótáŋa al karúl lé bát sa soŋá janí kwá kaiŋ. ³Eláin nas ká ibíti kwa sí útóná al kí kien kurón temeŋ soŋá kaniye namaŋ dog kien kuru lé soŋá kaniye yeeŋ in uu sí kí díeŋ áare algin dorá kawe. ⁴Naŋ dog gí kinol na sáát káwe asaŋ yeeŋ sí kiin nas kányunjal nas wúon massíg kwá sí kanyinjal. ⁵Yeeŋ in á káweba niná al kí káin tabuŋa lé kaá, yeeŋ main kien surŋá lonpi sí kaniye namá ii lia kí wúon áare kien surŋá kina sí kaniye. ⁶Naa kí namá titus sí kigé nina min yé waar si in táári sí tuŋa álaŋ díelé pinj náis nyinŋi ásaŋ in jani kí kilmaŋ táyaŋ báge. ⁷Marraŋ naa nas bí kwa sí ari bi ari lé le see jäy na belé na jiwí na zindíye nyét ásaŋ kwa sí bányinti na ila joní ayla kí biŋa koel lé tabun bendel na kí kaigel si ásaŋ dog bí kwa sí in jani kí kilmaŋ táyaŋ táári le tabuŋ bando. ⁸Ká in sí in á amin ba al nurgú ii maraŋ ká bá díeŋ jonin simin érel nas kí kwa kerŋaŋ zindíye arra aw. ⁹Eláin ná bí dáin lonpi isa jáaso duonon tullin balom yé dog kawaj kéeŋá marraŋ díeŋ uun namá pagiri eŋa eláin álaŋ bí mat kí déeŋ pagirin dorá kawaja beeŋ. ¹⁰In uun ére ine dúin uton belé kee na in uu díelé nisil ii bí asá orŋanyin buŋa ná táári baw déllin elain áyba álaŋ in tullinŋin táári bâ. ¹¹Marraŋ asá dog surma baŋá álaŋ bâ in uu sí báge asá buŋa ná baw álaŋ bâ alá bí boyel ii álaŋ kí zindíye bâ bí dog bas kí ila dora báge asá bí kéeŋ kuru bain. ¹²Eláin ná abá zindíye kee ila dol kí déeŋ dorol sí bas kinele kí ari bi ariŋ dorá asá duó kee kí ela dorá ayba asá duó ari wari ii. ¹³Ká uu it á awba álaŋ kwa kerŋa sí oló kí ela dorá ayla biŋa etebel marraŋ ká bá weel álaŋ díeŋ táas lé arrá já kee. ¹⁴Kin ayéŋá lé díeŋ suŋin kila kwaŋ joní sí nin kilma pis piá aylán sog díg kila kwaŋ suŋin mat díeŋ joní sí kilma pis piá na lia ide baŋ arrá já kee. ¹⁵Ná al wúon dombereŋa toyán dió rímeŋ duó al soŋá dorol piá ari tóg as sayba na ila duó gal al itâ dorol piá ari tóg dog warri á siba." ¹⁶Marraŋ assô assô wúo lé pinjiti alá Titus sŋ kilmâ ila zindíye tág jáa ila asá ká díeŋ ére aŋ. ¹⁷Eláin Titus déllin dáin jinŋo sí áyba nas tina ila álaŋ yé díeŋ jagilin asi keer jee marraŋ yé kí déeŋ dorol saa soŋá sut kera na kí kilmaŋ táyas ari álaŋ díelé jee. ¹⁸Na kí alá ye kí bára keer ádeŋ kaw assá massíg kwá nyét si assô assô kámiŋa déeŋ jawli lé asá belé tullé paalíti. ¹⁹Na délin ela ayba in bára sí dog massíg kwa kaŋul álaŋ kien arra koo na adit alá in kilmán táyaŋ dol sí kábuŋ ela alá kí lonpin galaŋaŋ uun déeŋ oro kaw ásaŋ dáin zindíye kawli nas kanyinŋi. ²⁰Kí in sí kaw álaŋ lian duó á keeba álaŋ in kilmaŋ táyaŋ dolin appin lóomeŋ piá ila alá kí déeŋ oro kaw. ²¹Dáin aji bá ela ii álaŋ ari it káa al warig ii ná déllin lonpin tabun ayba marraŋ dog kwaŋ tabun. ²²In lé soŋá kí bara sí kien ádeŋ kaw kí ye sí soŋá kára ná kumó nas kérég janyinŋi lé zindíye soŋá kee na yé na náman si sut jariŋ ela lé soŋá kee déeŋ puttó jeŋ soŋaŋ uun ela asá díelé kee. ²³Niná Titus sŋ ére yé díeŋ táas lé dúin donan jabí duŋo ii na

taw se duño ii na in ná káin̄ barna awin̄ eré yéén̄ massíg kwan̄ polgónyá ge na yéén̄ jáaso duño sís bagi kúndulla. ²⁴Na naa kin kwa sí dién̄ jon̄in̄ jibé na dáin̄ dongeré jeen̄ eré massíg kwa tabún̄ palan̄ bawli.

Magara 9

¹Arí á kéba álán̄ Biña jundí ásín̄ Wúo'ñ táári'ñ ere in sí rímmen̄ aa. ²Iláin̄ nás ká dién̄ zun̄dié kalun̄ asá bí kwa-sí banyíti namá keen̄i nás Masadóniña dón̄kore undel, ná Ká bá kaan̄ ná yeen̄-sí kámmín̄ bí ãl Akayá'ñ Akuro-lé báin̄ main̄ kor̄nanyi ãl káila ban̄ álán̄ baní ná dién̄ zun̄dié ãl yeen̄-sí jundí ásán̄ janyí un̄é. ³Maran̄ ká áisa kin bār̄ña-sí adden̄ aw álán̄ mat bí asílen̄ bēñ. niná alá ká kwã bí álán̄ asílen̄ beñ. ⁴Ásán̄ liyan̄ dáin̄ dón̄kore diēpn̄ ere in uu'ñ in̄ ájábín̄iba ãl utón̄ belé hoo ilain̄ bá ká ki Masadóniñá ðii ká keyé arra kéla ná búmbá ná bí asílá á ban̄ba Yeen̄-sí báisín̄ tabū tii. asá dié-lé puttó jain̄ kaan̄, Maran̄ biña-sí báisín̄ kila-lé. ⁵Naa namá dúin̄ tabun̄ in̄ aa ãl putta jan̄i álán̄ kin bār̄ña-sí igé ná dién̄ ere dúin̄ tabun̄ kíya nás in̄ dol ãl bi básá waar ásán̄ ásílén̄ kawa liyan̄ namá nísíli niná árén̄ dol ná arí it aí bá ãl gí bí déēñi'ñ kígítie álán̄ báa. ⁶Ná âw in̄ belé biña-sí niá tabun̄ wññiti, Duó ãl kola ittá usún̄el ban̄ tán̄a ittá ran̄. Ná duó ãl kolá sun̄ñá úsún̄el ban̄ tán̄a sun̄ñá ran̄. ⁷Ná dién̄ dió duó bí duó âw ná uu it piá asá kí déēñ kilmá arríti álán̄ piá ná árē'ñ wár̄ñ á jábá ásán̄ in̄ jimín̄ ãl gí kígítie álán̄ jaa. ⁸Ná Wúo kuros kee álán̄ tullín̄-sí nyét jundí nás dién̄ ere teljén̄ een̄ ásán̄ bí ilá-sí nyét baín̄ ála bí bóel ásán̄ báin̄. á bí ásán̄ kí táári bí táári tullé-ii pis bēñ. ⁹Niná ãl Wúo'ñ domboreñá toye-lé rímmen̄ en̄a Yé pagír̄iña-sí kí kilman̄ tayé iní kilma'ñ tayé'ñ taa táári'ñ taa ban̄ ee namá nín̄ ee. ¹⁰Ná Wúo ála kola réñel ná júsun̄o duño-sí iní ná namíyé'ñ garán̄ iní dog gísín̄ kíen̄ kolá nyín̄i ná dién̄ war̄ñ táári-sí iundí ná tuí. ¹¹Bí kí kór̄aña nyét nin̄ káwájá ban̄ ila kwa sun̄ñá básán̄ Wúo-sí assó assó káwá kíen̄ dollá kilín̄ uu'ñ asá yeen̄ dáí-lé kũmbítie. ¹²Iláin̄ ná in̄ táári ãl bí ban̄ baw dellin̄ Wúo-sí áiba nás nyitie maran̄ dog sí Wúo-sí assó assó kundul asá telje pii. ¹³Dién̄ táári'ñ uu'ñ Wúo sí sín̄ bagi kawlíya ila alá Jáásodun̄o'ñ jini-lé undul asá kwan̄ tabun̄ bina ná kilma'ñ tiyyín̄ uu'ñ asá bí kí kwa nyéttín̄ sár̄iga ban̄ Jáásodun̄o-lé. ¹⁴Ná Yeen̄ biña gís kũmelí, ná yeen̄ dog biña gí kané álán̄ kañila iláin̄ aisá yeen̄ biña-sí Wúo'ñ tullín̄ asá jáári á kebá káwli. ¹⁵Ná aw nás Wúo -sí assó assó káa déēñ doll tullēñ uu'ñ asá jáári ákeba.

Magara 10

¹Ná ká Púal kí Jáásodun̄o'ñ bugúlín̄ ná áwaj gís Biñá dág dág áw ánan̄ do sí in̄ íwél ãl bí dién̄ tabun̄a-lé in̄ bawríti ká dalúul kan̄ ãl kí jín̄i kaan̄ ná ila diyó ãl dién̄ arra kaan̄ nás biña rim kaw bá war̄ñg teréb̄ kaan̄. ²Ká kí urrá gí ilel abá ká dié-lé éla ká inálan̄ bá álán̄ war̄ñg tereb̄ een̄ ála dién̄ arrá kaan̄ inná alá ká káren̄ aw álán̄ een̄ kwa ðii ere inná kila kwa ãl dién̄ tabun̄a-lé in̄ awretiya ãl kí kí ðildukwē dorá kaan̄. ³Maran̄ álán̄ Kí kí ðildu'ñ dorá kilon̄ in̄ álon̄ba asá kí kí ðildu'ñ deer taasa-lé kaan̄. ⁴Íðñ̄ ná dáin̄ deer kí ðildu'ñ kwē ái bá maran̄ kí kuro ki láin̄ ãl jawēl kin̄i ná kwa-sí dorá réñilí. álán̄ údón̄a jitt̄iña káwe. ⁵Ná Kí karába kiláin̄ tabu'ñ kérel ãl Wúo Lon̄pii guud-sí ére. Kí uuñ̄a nyét sís Wúo'ñ dorá-le undul bagi-le kí Jáásodun̄o'ñ dorá. ⁶Ná Kí asíla kerel álán̄ uuñ̄a kila-sí panín̄ áa ála Wúo-sí bagi á piába álán̄ nyét Wúo'ñ bagi-le wain̄ol. ⁷Ál tara sín̄ jagíl dién̄ tabun̄ ere. Abás duó Jáásodun̄o-sís ðina abá aw ná in̄ on̄o ãl Yé Jáásodun̄o kar̄ijulo duño inná ãl Kí kaan̄. ⁸Mat sín̄ Ká as sun̄á ðon̄gore undel kí in̄ kurín̄ aila Lon̄pii yeen̄a iní álán̄ gí kutámó ná ilá aibá álán̄ gí pera aa, namá uðin̄i náis ká tabū ðuu á tibíba. ⁹Ká á wóel álán̄ gís in̄ añala, niná aisá kili ánni biña-sí kí kúin̄ rimma. ¹⁰Íðñ̄ ná kwa ðii in̄ kámin̄a kéēñ rima ãl sa

kakkire gé nâñ sí kuro as kiñi. Maraŋ Yé dééñ suúr äġ nyôkke ná wuŋa it äġa géba ásáñ kéljäm. ¹¹Äw ná kila kwa káíñ ajíña'ŋ arra kírul abá kí kaagó kí kila wuŋa äġ kí rimmeñ kaw äġ tog gé. ¹²Kí in náġa á kaŋba kwa alá kíeñ sŭrŋa daaraŋa—lé kawreti ásáñ doŋgore kundeli, Maraŋ abá kíeñ sŭrŋas kwa kereŋas arrá káwe bá kŭmbitie ná yeeñ kwa hóŋa gé. ¹³Maraŋ Kí ila—lé suŋŋá doŋgore ás kundeliba äġ Loŋpii—lé kŭbo. Kí bá síñ dellíñ ila—le doŋgore kééñe äġ gí Loŋpii iní áġáñ dée—lé kaapó. ¹⁴Ídŭiñ ná kí in doŋgore ás kundelíñ bá kí die—lé kaagó áġañ Kí kaŋ asá Wúo'ŋ domoŋ die—lé kwaŋ waar kwa kí Jáásodŭŋo'ŋ dorá. ¹⁵Ná Kí in doŋgore ás kundelíba áġañ kwa—lé ari kóŋi ása kí yeeñ—sí táári aa. iláíñ ere maraŋ bá dééñ áre iláíñ áġañ díeñ seejăi in lé suŋŋá túmóŋó ná dáíñ táári díeñ tasa—lé in suŋŋá eeñ. ¹⁶In ái—ii dáíñ áre áġañ gí biŋa Wúo'ŋ domoŋ kawlí iné namaŋ kuroŋa kerŋá—lé ná in táári'ŋ doŋgore ás kundelíñba äġ iné undélíñ in kuro—lé ¹⁷Bundí duó it nás doŋgore undélíñ nás Loŋpii—lé doŋgóre eeñ. ¹⁸Ídŭiñ ná ila duó ái bá asá dééñ suúr doŋgore kindelíñ ná see kélí äġ see—ii maraŋ duó asá Wúo dééñ írí doŋgóre kundel äġ ye—ii ná see.

Magara 11

¹Pôġ namaŋ Majira Kurémeŋa piyé kwá ee dagá ká ayi gel si áġañ gí birmó ee dagá rimó gí idíñ ná díeñ erre seen érrél. ²Ká asa gís áġáñ jaré tog anni na ila bá jáso duoŋi ái sáñ jì sí tabúŋ êġ niná kaníw selbé seer, Maraŋ ká lóó in kali aw áġañ gí kunial na díeñ joŋí suúr pás. ³Ká bá lóó kali awu bará níñ, In alá Sitan Áwa sí Júleñ piyá seen erre, bará níñ in dáġañ eeñ ná jitiŋa sí kaŋi búlo námá see sí bundí Jásôŋ erre. ⁴Ídŭiñ ná níñ díga kéġa ná in áŋal äġ yeeñ Yásu gé ná ila áyi ba äġ ye dééñ risíñ, Awaij namá in lóŋ aláñ jì áġañ Kŭwo kila áġañ si jì jaan áġañ Yasŭŋ gé namá kuo keerŋa gé, Wala gal áġañ si Domoŋ tulê jabúŋ námá Domoŋ keer jabúŋ. kí ótáŋá keerŋa. ⁵Ka sí bá gís in lóŋ ká kila lé äġa lé áġa á ago ba áġañ gí karíya Domoŋ Dŭŋo Tulê. ⁶Alaŋ ká dog si ayíŋ ná Jíwíŋ dúu aañ Jírísíŋô erre, Maraŋ ká Jalíŋ Jíwíŋ dúu áá aañ ba. Koraŋ kerker namaŋ ótáŋá kila asá bí baluŋ . ⁷Bí ká Janí lá áa ká jiti lá áġa bá undí ná dúíŋ bírsíŋó, Ídŭiñ ná ká Bá gís biŋa sí Wúoŋ Belé áwúli hô ná arri tog dog ábá baa. ⁸Ká Wúoŋ Beléñ Masíga kerŋa sí undí áġañ gís biŋa sí gís áwúli, ⁹Äġ ká kí biŋá káŋá ká awáj lé áŋá maraŋ duó ákéŋá ba áġañ dúíŋ awajíŋ wáyíŋó laa, Maraŋ dúíŋ awajíŋ bá kíŋ Bárŋa kila sí putó tayô äġ Macedónia kéġe. Na kúíŋ ótáŋá kit kila asá ká aañ bá díeñ Gubuli ,Na ká bán aañ ná gís aw kéréŋ . ¹⁰In alba Yasŭŋ jaiŋ Tulê Dúíŋ Dió kee Tulíŋ ila dúíŋ díó jiti äŋ eeñ ba Acháia erre. ¹¹Káŋ Ídŭiñ alyi áġa ká biŋa sí áwel ba, Loŋpii loŋ si. ¹²Ká arri it äġ ká awu bán awu, Ídŭiñ áġañ dúíŋ írí bawíŋí ná ká kila äġ karíŋ kayíŋi ná kúndúlá áġañ á kéġa ba ná in káwa niná ká. ¹³Ni ná kwa kila laŋ Domoŋ konyjol kwá ge naŋ Táriŋá kuséŋa kwá ge, Yeeñ kíeñ suurúŋá sí júleñ kawe äġ Jáso duóŋ domoŋ kuwá ge. ¹⁴Na in maraŋ pirje áiy ba idíŋ ná Sitan dog bá dééñ suúr sí indáġañ Júleñ piyá äġ ye Meleg Tiyâ ii. ¹⁵Na indáġañ píŋjeŋ jeeñ soŋâ niná la áiy ba abá kééñ tári kwá kíeñ suurúŋá sí Júleñ káwe äġ yiŋ see gé, Yeeñ bán indáġaŋ gé äġ yeeñ káwe. ¹⁶Ká in gís ámiŋ in as beriŋ ba äġ ká Ulul aañ, bin gí si äġ ká Ulul aañ áġañ gís waa ití ití. ¹⁷Ari it áġañ ká waa kí dúíŋ kilmán simíŋ, Ká in árisíŋ ba niná alá Loŋpii risíŋ na ká bá ila sí írsíŋ asá ká aañ. ¹⁸Ari it asá bá kwas kayíŋ ká dog bás indáġaŋ si aañ. ¹⁹Kí simíŋ na kí tulíŋ jaŋ bán kí díŋ jaiŋ tulé jaŋ. ²⁰Abá kí duó díg baŋ ná gí mermét piyá áġañ dééñ

Abit jaŋ wala gal Koyi. Abá gî yé in tiyéł álán dín írí am, Na abá yé dééŋ suur sí in tiyéł âl yé dí lé saa soŋá tulé ii, Wala gî yé Pula taan. ²¹Ila bá dáinŋ Nyukiŋî ûŋi ná ila sí kaw abás duó díg si dog górés indélinŋ ká dog álán bá ísinŋ go nás indálaŋ si dogórés eeŋ. ²²Yéé bí Híboróná laa baŋ ee ká aaŋ, Na Isáralíná le baŋ ee ká aaŋ, Na Birámín la Kólále baŋ ee kaŋ. ²³Na Jáso Duŋô laa Majira baŋ ká bá kila sí írsinŋ âl dúinŋ Júru kayinŋi ká ila lé soŋá aaŋ, Kwa kilán tabúnŋ âl Tuumná kayinŋi, Âl dag sí adílinŋ pal kalde, Namaŋ kuseli ²⁴Yawúda ka sí Bísáná asiŋa oos gî karúl Asi bi Asi lé ísáná ogal námás Bísá tog si kéndéli kí tin tog. ²⁵Ka sí asiŋa iis gî kí bariŋa kaldie asdíg ná gî Márrá kinŋie na asiŋa iis míneŋ eŋŋa áí saa Kúllúná gís kilinŋul Korá dió luul na Tós oŋŋá. ²⁶Ká masiŋa soŋá íŋi, Na ka sí Roga na Gamáyeŋa lé tâs lé saa soŋá Míneŋ eŋŋa, Na ka sí Dúinŋ Wérêŋ kwa Yawúda na Jára lé dog gî Ariyéŋa soŋá búlé, Na ka sí dog gî Dém na Jutá na Koró Aréŋa soŋá búllé, Na ka sí dog Bárŋa lé gî soŋá Arrie soŋá búllé. ²⁷Na ká Tári saa soŋá áa namaŋ saa soŋá ummo, Na ká Kéréŋ kí Luul Soga ás ûndi baa na ka sí Duur na Buur gís íris bitil ná lónŋa dínŋ ŋâ Namie ás aaŋ ba na ká Dili lé ítinŋo la idínŋ ná Juriŋa ás áŋŋá ba álánŋ gís jeye, ²⁸Na kin Ótánŋ nyétinŋ Jigéŋa palâ ká bá dúinŋ Iske Masinŋ kwá lé awuríti. ²⁹Ila diwo âl dúo dínŋ nyokéyi ká bás dééŋ Tasâ lés aimel na ila dio alá duó sí kundia ná katina lé kabítia ká bás kí iske pis indel. ³⁰Abá ká inlónŋ ásánŋ kás doŋ dórés eeŋ baŋ inlónŋ ásánŋ kúinŋ Tanasâŋa kila lés eeŋ áiy saa kaa Tabúnŋ bitul. ³¹Wúo Loŋpii Yasúŋâ Báa loŋ si ká piyé ala áwu baa na Wúo putó jayinŋi ásánŋ Mujés kawu kayinŋ ³²Ila dio alá ká Damáska áŋŋá Akúrónŋ Tabu alá Ába kuri Aresinŋ Dúu Tári piya Demán Tusúná lé Wuŋa jáá álánŋ gî ka kéyal. ³³Maraŋ ka sí áila ká bé ná gî Gera kábé ná gî kí deminŋ Póge lé kápul námás Dééŋ Dónŋas orro.

Magar 12

¹Pôlinŋ jalgula na mineŋa ká bánŋ aiyinŋ nás Dogórés indel alaŋ dog Ari tog dog á ke ba asánŋ Dogóré jeeŋ bóyiŋi ká básinŋ kí kila jalgula aaŋ na Tawrá jaránŋ eeŋ kila áiy ala Loŋpii kaa inní. ²Ká Jáso duŋô kari júlo duŋo síis aluŋ ila alá kéyé nás Jawila iis kuŋo lés kéŋé ayéŋá Waiye na oŋŋal asá bitul na ká ás aluŋba ila uu alá eŋŋa kí suur lá kéŋá wala kí suur ákéŋá ba kás aluŋ ba bá délinŋ Wúo ii nás loŋ. ³Na ká aluŋ si in duó sí asa Rúmánŋ kéŋé na yé údóná kela ammi ná saa soŋá ainiŋ ge kí Duldínŋ kwêŋ uu taga áŋjawa ba ná ká aluŋ ba ila uu kí suur lá kéŋá wala kí suur ákéŋá ba bá délinŋ délinŋ Wúo ii nás loŋ, ⁴Namá ye sí kéyé asá tímeliŋi ótánŋ tokéŋa erre na duó ákéŋá ba ná beléŋá. ⁵Maraŋ ká in duónŋ delánŋ uuŋ síis dog górés eeŋ maraŋ dúinŋ uuŋ doŋgóre ásinŋ eeŋ ba, Maraŋ bá sinŋ dúuinŋ Nyukiŋî eeŋ ⁶Alaŋ dog si kilamá aaŋ ásánŋ dogórés eeŋ, Ká Ulul áŋeŋ ba, Idinŋ ná ká bánŋ ila eeŋ álánŋ uuŋ see áminŋ, Maraŋ ninŋ Dogóré jeeŋ lé arriŋ álánŋ duó tog dog áke á kee ba ásánŋ dúinŋ udónŋ appâ kee ila arri lé soŋá álánŋ dúinŋ jainŋ lé soŋá jágil wala gal ila ari lé soŋá álánŋ dúlél kela amí. ⁷Na álánŋ gî ka jasi ná Doŋdóré jeeŋ á eeŋ ba kí kin Turá jáninŋa jamíla, Ka sí Suurú gî kí Díyanŋ Káwúyé Árit appâ Domonŋ duŋo áilánŋ Bíleŋ piyá álánŋ ká Kandakán á eeŋ ba. ⁸Ká asiŋa iis Loŋpii lé sáát áa áilánŋ in mine lé túga jáwí. ⁹Maraŋ yé ka sí in gís kwá, Dúinŋ Tulinŋ asá tirinŋi dínŋ erre, Ilánŋ ná kúinŋ Kuro dínŋ nyukiŋi dió Tári taras piye na ká álánŋ kí Kilmánŋ siminŋ kúinŋ Nyukiŋî írí Kilmá saa soŋá simó eeŋ álánŋ Jáso duónŋ Kuro dúinŋ dió kaiŋi. ¹⁰Namá ilánŋi Jáso duónŋ uuŋ náyi ka sí nyuŋkinŋa na ŋaŋiŋa na Tárinŋa tokéŋa na Taltala na Tanasânŋ uuŋ Kilmá simó ii ilánŋ ila dio âl nyoké aaŋ bá kaŋkíré aaŋ. ¹¹Pôlinŋ erre Korisinŋa Masigí kwánŋ erre, Ká Ulul eŋŋa kí kienŋ korola bi gé gî álánŋ ulul eeŋ ka sí in lónŋa álánŋ gî áwú eeŋ báa ilánŋ ná ká pélet ilánŋ dúu á aaŋ ba áisa kwa arrá kawé ná kienŋ súŋá sí Kurémiŋa appánŋa kaŋriya, Naŋ dog arri tóg dog áge ba. ¹²Alá ká kí biŋa káná ilánŋ ná ká dienŋ Táás lé kí rimónŋa ósoma Tári soŋá áa. naŋ údóná pirjeŋa áa. ¹³Biŋa sí Masíga kerŋa lé aiy gî saa soŋá jiti kigie ka bá délinŋ ila ii áila ká biŋa Sógoŋa jainŋa sába á ataba ba, Abá ká in dúinŋ jitinŋ kéŋá bá gî appenŋ báa. ¹⁴Na ká

asil aañ álán oo ná gî jagil asiña iis kuon agíl, Ká díe lé Jaat áan eej baa ilán arit âl ká dílé wêl kien ótáná áge ba marañ kien Súrñá si ii ná wel, Ilán ná in álán ba ásán Dogólá kien Waliña sís Ótás Gúbúl si karí tíya, Marañ in lón ásán waliña kien Dogólás ótáñas Gúbúl si írí karítíya. ¹⁵Na ká kien Kúíñâ uu kí Kilmán simiñ ari bi ari sí Wáriseñ asá aij ii namañ dúíñ suur sí dog niñ Wáriseñâ. ¹⁶Bí ka tití gílán boiñí idíñ ná biña sí gî saa soñá oiñí awú nás betó ká kí dúíñ dorol biña sí ágí atta ba, Marañ dió kwa díña kaiña ná kámiña âl ká Júlej duño áññá nás kwa kí piyés arri ga. ¹⁷Marañ aiy gél ká díeñ lá írí Dorá arráná kila kán dió âl ká nyey sí ádeñ áa. ¹⁸Ká Tátas sí igé álán jee na ila Bára sí ké ge arrá ádeñ áa, Na Tátas Díeñ lá írí dorá ráñá, Ká na Tátas kí surma Tog tág á kendeliñi báa, Kí kila údóná sí kí Dorá Tog tágiñ ákâ báa. ¹⁹Kí in Tin nyét bála bañá ná kien Tabuñá lé in bawríti ása kí káñ súrñá díeñ erre kérél kí Beléñ see kí bá in kírsiñ ni áíla Wúo kiña kól álán déeñ Tabúñ kírsiñ. Kíñ Kondóna ari bi ari alá kaw bá Wúon see jáñ kakiriñ uuñi ná kaw. ²⁰Iláni ná gî kasí Kali it tiyêl áílán umbón ná in ábañ ba ni âl dúíñ Kílma kee na bí dog námá kasí in ábumbón baa in âl díeñ kílma kee, Ka sí idé ba gí Kali in álán Gulda, na Kilmán Tukiñ na Kilmân Pukiñ na Zalbiñî árrña Jandiña na Giba. ²¹Ka sí bá gî kalí in týyél dúíñ Wúo áí sán bá díeñ Tabúñ Tabúñ Túyí inní na ká ásán kila kwa sís ommola alá waar Katieña káwe na díeñ Músiliñ na Ajiliñ na pojora lé Túbeñ á kiñi ba kila alá waar káwe.

Magar 13

¹Súgeñ jãña kari kwá in dúíñ jagil asiña iis duño ii áíla biña aluñ in alá Wúon Domboreñâ dió Rímeñ eñña Dalíme awú nás Awu wal gal si Hsín dió dígíñí. ²Ká máñâ áí saa ságeñâ dúíñ jél waar kuño lé alá aññá ká na ságeñ já sís Túyi si awítí abá díe lé asi keer éla ágí sñ abá ba na dog yeeña sí dog ásín ábba. ³Idíñ ná bí in uu lé jibé buel alá Jáso duño kí dúíñ dorá risiñ. Yé Kuro kee Yé nyoké áyi baa mámán bás déeñ kakiriñ si díeñ tás lés palíti. ⁴Na kí seen see yee sí Nyukiñî saniñi nás Káldábulés kaldul marañ kí Wúon Kurón Dorá Yé bá Sálá ii. Kí dog in Nyoké kañ in alá Jáso duño kéñá ,Marañ kí Wúon Kurón dorá bán ké geñ Sálá kañ ila ido âl díeñ orro kaw. ⁵Kien súrñá bari ná bagíl bí kí see Jáyíñ la Dóra bañ, Kien Súrñá bari ná bagíl bí ari alá bí kí see jáyíñ erre bámiñ see láyi bí kí seen see bá sñ bíwél âl Yásu déeñ dió kee see láyi marañ abá Jáso duño díeñ dió ákee ba bí báwyâ. ⁶Na ká in si aigel bí kí see álán ábúyâ baa. ⁷Na kí asá Kúmel álán ütóná jitiña ábá baa ásán in á kibé baa âl si bí jabiñ lés bádó marañ álán údóná wáriñ báa alañ dog si in kariñ tii ála kí údóná Jiti ákâ baa. ⁸Uuñ séeñ kosa ásín ká baa marañ bá sñ uuñ see sís kérél. ⁹Kiña bá gí Kilmaña simó gé Tin it abá nyoké kañ marañ bí kakiré bañ, Na kí kúmel si ásán Wúo biña Jáño namañ ásán koroná ás bañ baa. ¹⁰Níñ uuñ kin Ótáná sí rímeñ awu ila dio âl ká wari aañ abá ago álán díeñ uu kí aij ás âba kí dúíñ Tálán Dorá ila áyí laa ka Lonpii inní alá Jutómón ii ná Perajãñá ii baa. ¹¹Dónâ janni kari kuañ, Na kariñ erre kúíñ báñña Kilmaña gí simmó iññi uu it báa álán buyí ná appá beñ, Súrñá sí Kuro baní na kí Báñña basi na kí ariñ baiñ Jainâ joniñ na ariñ bán kégeñ bañ. ¹²Súrñá sí kí údón jám téyán dig Dóná baní. ¹³Wúon kwa nyétiñ gí biña Dóná kaníya. ¹⁴Kalán Lonpii Yasúwa Jáso duñô gôn Tulíñ na Wúon joniñ na Kuo Teyãñâ pampiriñ kégeñ kwa nyét bañ.